

興安縣志 卷二十六

方技志

士稱方外別以技名書畫琴棋醫地星卜各精其術各擅其能若管邵先知荆關妙墨與夫牙之琴秋之奕竒杰代出一藝之微輒臻神妙雖云小道亦有可觀與自建邑以來非無其人然而湮沒不傳者多矣今姑就近代所知者表而出之

徐夫人在十七都柏樹林精於女科宋慶歷二年應詔醫皇后疾愈賜金帛遣歸

興安縣志

卷二十六

方技

柴仙姑元季雲遊霞坊結菴孤峯絕頂誦經學道能勅符水治病無不驗者人敬信之

徐海興徐海珠俱十七都裏灣里人世業醫建其橋曰杏林橋

羅文藻軼其籍貫初隨邑侯甘公學淳至興精於醫學其後流寓舖前村徐可蕃家徐族有雇工得微疾羅切其脉曰是疾凶令送歸還家三日卒可蕃弟可仲春季微恙羅切脉曰秋應發背癰不起今宜服藥治之可免仲弗從至秋果發背癰卒又診東門張姓脉能



決死期亦厯厯不爽下徐村胡姓妻張氏疾危篤羣醫束手延羅至羅曰疾無憂明日當變瘡已而果然後羅疾自切其脉謂人曰予當某日卒隣婦適來問疾羅切其脉謂隣婦曰爾應後予三日卒羅卒後葬七都石人廟後

姜繼彬姜村人精數學言休咎多奇中然恃其術所為往往不軌於法嘗獲罪繫獄久之自言某日當出獄至期果驗身後其術亦不傳

劉蹈仁名叔榮白石翰林後少好仙佛輒不冠總其髮為

興安縣志

卷五 方技

二

兩髻好遊能占旺氣術專堪輿家不純用會楊法每占人家氣數知其後將興者為十否則不往與之錢必却嘗主郡城楊信齋妻一齋家人不見信辭去脫迹方外時人謂占旺氣皆驗

前志